

性皆不可行得說示故菩薩摩訶薩於眼觸無行無得無說無示於耳鼻舌身意觸無行無得無說無示何以故眼觸自性乃至意觸自性皆不可行得說示故

十一

大般若波羅蜜多經卷第三百七十八 結八

琬伽反其陵撞擊江直反迅速上私問反耽丁

也貪

善薩摩訶薩於眼觸爲緣所生諸受無行無得無說無示於耳鼻舌身意觸爲緣所生諸受無行無得無說無示何以故眼觸爲緣所生諸受自性乃至意觸爲緣所生諸受自性皆不可行得說示故菩薩摩訶薩於地界無行無得無說無示於水火風空識界無行無得無說無示何以故地界自性乃至識界自性皆不可行得說示故菩薩摩訶薩於因緣無行無得無說無示於等無間緣所緣緣增上緣無行無得無說無示何以故因緣自性乃至增上緣自性皆不可行得說示故菩薩摩訶薩於無明無行無得無說無示於行識名色六處觸受愛取有生老死愁歎苦憂惱無行無得無說無示何以故無明自性乃至老死愁歎苦憂惱自性皆不可行得說示故菩薩摩訶薩於布施波羅蜜多無行無得無說無示於淨戒安忍精進靜慮般若波羅蜜多無行無得無說無示何以故布施波羅蜜

福建道建寧路建陽縣后山報恩寺普壽堂嗣教陳覺琳恭爲

今上皇帝祝延聖壽安安武官僚同資祿位募眾雕刊

昇庵大藏經校讎讀誦者延祐二年月日蓮

大般若波羅蜜多經卷第三百七十九 結

三藏法師玄奘奉詔譯

初分無雜法義品第六十七之二

凡

多自性乃至般若波羅蜜多自性皆不可行得說示故菩薩摩訶薩於內空無行無得無說無示於外空內外空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空無行無得無說無示何以故內空自性乃至無性自性空自性皆不可行得說示故菩薩摩訶薩於四念住無行無得無說無示於四正斷四神足五根五力七等覺支八聖道支無行無得無說無示何以故四念住自性乃至八聖道支自性皆不可行得說示故菩薩摩訶薩於空解脫門無行無得無說無示於無相無願解脫門無行無得無說無示何以故空解脫門自性乃至無願解脫門自性皆不可行得說示故善薩摩訶薩於苦聖諦無行無得無說無示於集滅道聖諦無行無得無說無示何以故苦聖諦自性乃至道聖諦自性皆不可行

得說示故菩薩摩訶薩於四靜慮無行無得無說無示於四無量四無色定無行無得無說無示何以故四靜慮自性乃至四無色定自性皆不可行得說示故菩薩摩訶薩於八解脫無行無得無說無示於八勝處九次第定十遍處無行無得無說無示何以故八解脫自性乃至十遍處自性皆不可行得說示故菩薩摩訶薩於一切三摩地門無行無得無說無示於一切陀羅尼門無行無得無說無示何以故一切三摩地門自性一切陀羅尼門自性皆不可行得說示故菩薩摩訶薩於極喜地無行無得無說無示於離垢地發光地焰慧地極難勝地現前地遠行地不動地善慧地法雲地無行無得無說無示何以故極喜地自性乃至法雲地自性皆不可行得說示故菩薩摩訶薩於五眼無行無得無說無示於六神通無行無得無說無示何以故五眼自性六神通自性皆不可行得說示

故菩薩摩訶薩於佛十力無行無得無說無示於四無所畏四無礙解大慈大悲大喜大捨十八佛不共法無行無得無說無示何以故佛十力自性乃至十八佛不共法自性皆不可行得說示故菩薩摩訶薩於無忘失法無行無得無說無示於恒住捨性無行無得無說無示於恒住捨性無行無得無說無示何以故無忘失法自性恒住捨性自性皆不可行得說示故菩薩摩訶薩於一切智無行無得無說無示於道相智一切相智無行無得無說無示何以故一切智自性乃至一切相智自性皆不可行得說示故菩薩摩訶薩於預流果無行無得無說無示於一來不還阿羅漢果獨覺菩提無行無得無說無示何以故預流果自性乃至獨覺菩提自性皆不可行得說示故菩薩摩訶薩於一切菩薩摩訶薩行無行無得無說無示於諸佛無上正等菩提無行無得無說無示何以故一切菩薩摩訶薩行自性諸佛無上正等

^{卷三}^{卷三}^三

菩提自性皆不可行得說示故菩薩摩訶薩以如是等無行無得無說無示爲無所得即無所得說名離生善現是爲菩薩摩訶薩生及離生諸菩薩摩訶薩證入正性離生位已圓滿一切靜慮解脫等持等至是菩薩摩訶薩尚不隨定勢力而生況隨貪等煩惱勢力是菩薩摩訶薩若住此中造作諸業由業勢力生四靜慮諸趣流轉無有是處是菩薩摩訶薩雖住如幻諸行聚中作諸有情如實饒益而不得幻及諸有情是菩薩摩訶薩於如是事無所得時成熟有情嚴淨佛土疾證無上正等菩提轉妙法輪度無量衆如是善現菩薩摩訶薩修行般若波羅蜜多速能圓滿無相靜慮波羅蜜多由此靜慮波羅蜜多速量眾如是法輪名無所得亦名爲空無相無願能作有情無上饒益復次善現菩薩摩訶薩行深般若波羅蜜多時安住如夢如響如

像如光影如陽焰如幻事如尋香城如變化事五取蘊中圓滿般若波羅蜜多是菩薩摩訶薩如實了知一切法皆如夢如響如像如光影如陽焰如幻事如尋香城如變化事者便能圓滿無相般若波羅蜜多時具壽善現白佛言世尊云何菩薩摩訶薩如實了知一

切法譬如夢如響如像如光影如陽焰如幻事如尋香城如變化事佛言善現菩薩摩訶薩修行般若波羅蜜多時不見夢不見見夢者不聞響不見聞響者不見像不見見像者不見光影不見見光影者不見陽焰不見見陽焰者不見幻事不見見幻事者不見尋香

城不見見尋香城者不見變化事不見見變化事者何以故夢見夢者響聞響者像見像者光影見光影者陽焰見陽焰者幻事見幻事者尋香城見尋香城者變化事見變化事者皆是愚夫異生顛倒所執著故諸阿羅漢獨覺菩薩又諸如來應正等覺皆不見夢亦

不見見夢者皆不聞響亦不見聞響者皆不見像亦不見見像者皆不見光影亦不見見光影者皆不見見陽焰亦不見見陽焰者皆不見見幻事亦不見見幻事者皆不見尋香城亦不見見尋香城者皆不見變化事亦不見見變化事者何以故一切法皆以無性而爲自性非成非實無相無爲非實有性與涅槃等去何菩薩摩訶薩修行般若波羅蜜多時於一切法起有性想成想實想有相有爲實有性想非寂滅想若起是想無有是處何以故若一切法有少

自性有成有實有相有爲有實性非寂滅而可得者則所修行甚深般若波羅蜜多應非般若波羅蜜多如是菩薩摩訶薩行深般若波羅蜜多時不著色不著受想行識不著眼處不著耳鼻舌身意處不著色處不著聲香味觸法處不著眼界不著耳鼻舌身意界不

著色界不著聲香味觸法界不著眼識界不著耳鼻舌身意觸不著眼觸爲緣所生諸受不著耳鼻舌身意觸爲緣所生諸受不著耳鼻火風空識界不著因緣不著等無間緣所緣增上緣不著從緣所生諸法不著無明不著行識名色六處觸受愛取有生老死愁歎苦憂惱不著欲界不著色無色界不著四靜慮不著四無量四無色定不著四念住不著四正斷四神足五根五力七等覺支八聖道支不著空解脫門不著無相無願解脫門不著苦聖諦不著集滅道聖諦不著布施波羅蜜多不著淨戒安忍精進靜慮般若波羅蜜多不著內空不著外空內外空空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空不著真如不著法界法性不虛妄性不變異性平等

性離生性法定法住實際虛空界不思議界不著八解脫不著八勝處九次第定十遍處不著一切三摩地門不著一切陀羅尼門不著極喜地不著離垢地發光地焰慧地極難勝地現前地遠行地不動地智慧地法雲地不著五眼不著六神通不著佛十力不著四無所畏四無礙解大慈大悲大喜大捨十八佛不共法不著無忘失法不著恒住捨性不著一切智不著道相智一切相智不著預流果不著一來不還阿羅漢果獨覺菩提不著一切菩薩摩訶薩行不著諸佛無上正等菩提是菩薩摩訶薩修行般若波羅蜜多時由不著故能圓滿初地而於其中不生貪著何以故是菩薩摩訶薩不得初地云何於中而起貪著由不著故能圓滿第二第三第四第五第六第七第八第九第十地而於其中不生貪著何以故是菩薩摩訶薩不得第三地乃至第十地云何於中而起貪著是菩薩摩

訶薩羅修行般若波羅蜜多而不得般若波羅蜜多由不得般若波羅蜜多故亦不得一切法雖觀般若波羅蜜多攝一切法而於是法都無所得何以故如是諸法與此般若波羅蜜多無二無別所以者何一切法性不可分別說爲真如說爲法界法性不虛妄性不

變異性平等性離生性法定法住實際虛空界不思議界諸法無雜無差別故時具壽善現白佛言世尊若一切法性皆無雜無差別者云何可說是善是非善是有漏是無漏是世間是出世間是有爲是無爲諸如是等無量法門佛告善現於汝意云何一切法實性

中有法可說是善是非善是有漏是無漏是世間是出世間是有爲是無爲如是乃至是預流果是一來果是不還果是阿羅漢果是獨覺菩提是諸菩薩摩訶薩行是佛無上正菩提不善現答言不也世尊不也善逝佛言善現由此因緣當知一切法無雜無差別

無相無生無滅無礙無說無示善現當知我本修行菩薩道時於法自性都無所得謂若色若受想行識若眼處若耳鼻舌身意處若色處若聲香味觸法處若眼界若耳鼻舌身意界若色界若聲香味觸法界若眼識界若耳鼻舌身意識界若眼觸若耳鼻舌身意觸

若眼觸爲緣所生諸受若耳鼻舌身意觸爲緣所生諸受若地界若水火風空識界若因緣若等無間緣所緣緣增上緣若從緣所生法若無明若行識名色六處觸受愛取有生老死愁歎苦憂惱若欲界若色無色界若善若非善若有漏若無漏若世間若出世間若

有爲若無爲如是乃至若預流果若一來還阿羅漢果獨覺菩提若諸菩薩摩訶薩行若佛無上正等菩提於如是等諸法自性皆無所得如是善現菩薩摩訶薩修行般若波羅蜜多從初發心乃至安坐妙菩提座將證無上正等菩提常應善知諸法自性若能善

知諸法自性則能善淨大菩提道亦能圓滿諸菩薩行成熟有情嚴淨佛土安住是法疾證無上正等菩提轉妙法輪以三乘法方便調伏諸有情類令於三有速得解脫如是善現菩薩摩訶薩以無所得而爲方便應學般若波羅蜜多速能圓滿一切佛法

初分諸功德相品第六十八

尔時具壽善現白佛言世尊云何如夢如響如像如光影如陽焰如幻事如尋香城如變化事諸法都無實事皆以無性而爲自性自相皆空而可安立是善是非善是有漏是無漏是世間是出世間是有爲是無爲如是乃至是預流果是能證預流果是一來果是能證一來果是不還果是能證不還果是阿羅漢果是能證阿羅漢果是獨覺菩提是能證獨覺菩提是諸佛無上正等菩提是能證諸佛無上正等菩提耶佛告善現世間愚夫無聞異生得夢得見夢者得響得聞響者得像

者已得尋香城得見尋香城者已得變化事得見變化事者已顛倒執著造身語意善行不善行或造身語意福行非福行不動行由諸行故往來生死流轉無窮諸菩薩摩訶薩行深般若波羅蜜多觀察畢竟無際二空安住畢竟無際二空爲彼有情宣說正法謂作是言汝等當知色是空無我我所受想行識是空無我我所眼處是空無我我所耳鼻舌身意處是空無我我所眼界是空無我我所耳鼻舌身意界是空無我我所色界是空無我我所聲香味觸法界是空無我我所眼識界是空無我我所耳鼻舌身意識界是空無我我所耳鼻舌身意識界是空無我我所耳鼻舌身意

我我所眼觸是空無我我所耳鼻舌身意觸
是空無我我所眼觸爲緣所生諸受是空無
我我所耳鼻舌身意觸爲緣所生諸受是空
無我我所地界是空無我我所水火風空識
界是空無我我所因緣是空無我我所等無
間緣所緣緣增上緣是空無我我所從此諸

緣所生諸法是空無我我所無明是空無我
我所行識名色六處觸受愛取有生老死愁
歎苦憂惱是空無我我所有漏法是空無我
我所無漏法是空無我我所有爲法是空無我
我所無爲法是空無我我所又作是言汝
等當知色如夢都無自性受想行識如夢都
無自性色如響如像如光影如陽焰如幻事
如尋香城如變化事都無自性受想行識如
響乃至如變化事都無自性眼處如夢都無
自性耳鼻舌身意處如夢都無自性眼處如
響如像如光影如陽焰如幻事如尋香城如
變化事都無自性耳鼻舌身意處如響乃至

如變化事都無自性色處如夢都無自性聲
香味觸法處如夢都無自性色處如響如像
如光影如陽焰如幻事如尋香城如變化事
都無自性聲香味觸法處如響乃至如變化
事都無自性眼界如夢都無自性耳鼻舌身
意界如夢都無自性眼界如響如像如光影
如陽焰如幻事如尋香城如變化事都無自
性耳鼻舌身意界如響乃至如變化事都無自
性色界如夢都無自性聲香味觸法界如
夢都無自性色界如響如像如光影如陽焰
如幻事如尋香城如變化事都無自性聲香
味觸法界如響乃至如變化事都無自性眼
識界如夢都無自性耳鼻舌身意識界如夢
都無自性眼識界如響如像如光影如陽焰
如幻事如尋香城如變化事都無自性耳鼻
舌身意識界如響乃至如變化事都無自性
眼觸如夢都無自性耳鼻舌身意觸如夢都
無自性眼觸如響如像如光影如陽焰如幻

觸受愛取有生老死愁歎苦憂惱如夢都無自性無明如響如像如光影如陽焰如幻事如尋香城如變化事都無自性行乃至老死愁歎苦憂惱如響乃至如變化事都無自性有漏法如夢都無自性無漏法如夢都無自性有漏法如響如像如光影如陽焰如幻事如尋香城如變化事都無自性無漏法如響乃至如變化事都無自性有爲法如夢都無自性無爲法如夢都無自性有爲法如法如響如像如光影如陽焰如幻事如尋香城如變化事都無自性無爲法如響乃至如變化事都無自性又作是言汝等當知此中無色亦無不受想行識無眼處亦無耳鼻舌身意處無色處亦無聲香味觸法處無眼界亦無耳鼻舌身意界無色界亦無聲香味觸法界無眼識界亦無耳鼻舌身意識界無眼觸亦無耳鼻舌身意觸無眼觸爲緣所生諸受亦無耳鼻舌身意觸爲緣所生諸受無地界亦無水

火風空識界無因緣亦無等無間緣所緣緣增上緣無從諸緣所生諸法無無明亦無行識名色六處觸受愛取有生老死愁歎苦憂惱無有漏法亦無無漏法無有爲法亦無無爲法無夢亦無見夢者無響亦無聞響者無像亦無見像者無光影亦無見光影者無陽焰亦無見陽焰者無幻事亦無見幻事者無羣香城亦無見羣香城者無變化事亦無見變化事者又作是言汝等當知是一切法皆無實事皆以無性而爲自性汝等虛妄分別力故無色中見有色無受想行識中見有受想行識無眼處中見有眼處無耳鼻舌身意處中見有耳鼻舌身意處無色處中見有色處無聲香味觸法處中見有聲香味觸法處無眼界中見有眼界無耳鼻舌身意界中見有耳鼻舌身意界無色界中見有色界無聲香味觸法界中見有聲香味觸法界無眼識界中見有眼識界無耳鼻舌身意識界中見

有耳鼻舌身意識界無眼觸中見有眼觸無耳鼻舌身意觸中見有耳鼻舌身意觸無眼觸爲緣所生諸受中見有眼觸爲緣所生諸受無耳鼻舌身意觸爲緣所生諸受中見有耳鼻舌身意觸爲緣所生諸受無地界中見有地界無水火風空識界中見有水火風空識界無因緣中見有因緣無等無間緣所緣緣增上緣中見有等無間緣所緣緣增上緣無從緣所生諸法中見有從緣所生諸法無無明中見有無明無行識名色六處觸受愛取有生老死愁歎苦憂惱中見有行乃至老死愁歎苦憂惱無有漏法中見有漏法無漏法中見有無漏法無有爲法中見有有爲法無無爲法中見有無爲法又作是言汝等當知蘊界處等一切法性皆從衆緣和合建立顛倒所起諸業異熟之所攝受汝等何爲於是虛妄無實事法起實事想是時菩薩摩訶薩修行般若波羅蜜多方便善巧若諸

有情有慳貪者方便拔濟令離慳貪是諸有情離慳貪已教修布施波羅蜜多是諸有情由布施故得大財位富貴自在復從是處方便拔濟教修淨戒波羅蜜多是諸有情由淨戒故得生善趣尊貴自在復從是處方便拔濟教修安忍波羅蜜多是諸有情由安忍故速能獲得無生法忍復從是處方便拔濟教修精進波羅蜜多是諸有情由精進故乃至無上正等菩提於諸善法不復退轉復從是處方便拔濟教修靜慮波羅蜜多是諸有情由靜慮故得生梵世於初靜慮安住自在從初靜慮方便拔濟復令安住第二靜慮從第二靜慮方便拔濟復令安住第三靜慮從第三靜慮方便拔濟復令安住第四靜慮從第四靜慮方便拔濟復令安住空無邊處定從空無邊處定方便拔濟復令安住識無邊處定從識無邊處定方便拔濟復令安住無所有處定從無所有處定方便拔濟復令安住

非想非非想處定復從是處方便拔濟令住三乘或令住四念住四正斷四神足五根五力七等覺支八聖道支或令住空無相無願解脫門或令住八解脫八勝處九次第定十遍處或令住陀羅尼門三摩地門或令住苦集滅道聖諦或令住布施淨戒安忍精進靜慮般若波羅蜜多或令住內空外空內外空空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空或令住真如法界法性不虛妄性不變異性平等性離生性法定法住實際虛空界不思議界或令住極喜地離垢地發光地焰慧地極難勝地現前地遠行地不動地善慧地法雲地或令住五眼六神通或令住佛十力四無所畏四無礙解大慈大悲大喜大捨十八佛不共法或令住無忘失法恒住捨性或令住一切智道相智一切相智是菩薩摩

詞薩修行般若波羅蜜多方便善巧若諸有情耽著有爲布施及果以諸方便安慰濟拔令住無令住無餘般涅槃界若諸有情耽著有爲淨戒及果以諸方便安慰濟拔令住無餘般涅槃界若諸有情耽著有爲安忍及果以諸方便安慰濟拔令住無餘般涅槃界若諸有情耽著有爲精進及果以諸方便安慰濟拔令住無餘般涅槃界若諸有情耽著有爲靜慮及果以諸方便安慰濟拔令住無餘般涅槃界若諸有情耽著有爲般若及果以諸方便安慰濟拔令住無餘般涅槃界若諸有情耽著有爲四念住四正斷四神足五根五力七

等覺支八聖道支以諸方便安慰濟拔令住無餘般涅槃界若諸有情耽著有爲空無相無願解脫門以諸方便安慰濟拔令住無餘般涅槃界若諸有情耽著有爲八解脫八勝處九次第定十遍數以諸方便安慰濟拔令住無餘般涅槃界若諸有情耽著有爲陀羅

卷之四

十四

尼門三摩地門以諸方便安慰濟拔令住無餘般涅槃界若諸有情耽著有爲四聖諦空等觀以諸方便安慰濟拔令住無餘般涅槃界若諸有情耽著有爲四靜慮四無量四無色定以諸方便安慰濟拔令住無餘般涅槃界若諸有情耽著有爲菩薩十地以諸方便安慰濟拔令住無餘般涅槃界若諸有情耽著有爲五眼六神通以諸方便安慰濟拔令住無餘般涅槃界若諸有情耽著有爲佛十力四無所畏四無礙解大慈大悲大喜大捨十八佛不共法以諸方便安慰濟拔令住無餘般涅槃界若諸有情耽著有爲無忘失法恒住捨性以諸方便安慰濟拔令住無餘般涅槃界若諸有情耽著有爲一切智道相智一切相智以諸方便安慰濟拔令住無餘般涅槃界是菩薩摩訶薩修行般若波羅蜜多方便善巧成就無色無見無對真無漏法安住其中若諸有情應得預流果者方便濟拔

令住預流果若諸有情應得一來果者方便
濟拔令住一來果若諸有情應得不還果者
方便濟拔令住不還果若諸有情應得阿羅
漢果者方便濟拔令住阿羅漢果若諸有情
應得獨覺菩提者方便濟拔令住獨覺菩提
若諸有情應得無上正等菩提者方便濟拔

爲說種種大菩提道示現勸導讚勸慶喜令
住無上正等菩提如是善現諸菩薩摩訶薩
行深般若波羅蜜多觀察畢竟無際二空安
住畢竟無際二空雖知諸法如夢如響如像
如光影如陽焰如幻事如尋香城如變化事
都非實有皆以無性而爲自性自相皆空而

能安立是善是非善是有漏是無漏是世間
是出世間是有爲是無爲是預流果是能證
預流果是一來果是能證一來果是不還果
是能證不還果是阿羅漢果是能證阿羅漢
果是獨覺菩提是能證獨覺菩提是諸佛無
上正等菩提是能證諸佛無上正等菩提皆

無雜亂尔時具善善現白佛言世尊諸菩薩
摩訶薩甚奇希有行深般若波羅蜜多觀察
畢竟無際二空安住畢竟無際二空雖知諸
法如夢如響如像如光影如陽焰如幻事如
尋香城如變化事都非實有皆以無性而爲
自性自相皆空而能安立是善是非善是有
漏是無漏是出世間是出世間是有爲是無爲
等皆無雜亂佛言善現如是如是如汝所說
諸菩薩摩訶薩甚奇希有行深般若波羅蜜
多雖知諸法皆是畢竟無際空性而能安立
善非善等不相雜亂善現汝等若知諸菩薩
摩訶薩行深般若波羅蜜多時所有甚奇希
有之法聲聞獨覺皆所非有不能測量汝等
一切聲聞獨覺於諸菩薩摩訶薩辯尚不能
報況餘有情而能酬對

有之法聲聞獨覺皆所非有不能測量汝等
一切聲聞獨覺於諸菩薩摩訶薩辯尚不能
報況餘有情而能酬對

釋音

藏本不出宇

福建道建寧府建陽縣虎山華嚴寺堂嗣教陳 覺海 燉

金 皇帝祝延 皇菩薩李武官僚同資 緯位纂輯雕刊

印鑄大藏經流通讀誦者 延祐二年月日 謹題

大般若波羅蜜多經卷第三百八十 結
初分諸功德相品第六十八之二

三藏法師 玄奘奉 詔譯

特具壽善現白佛言世尊何等名爲菩薩摩訶薩行深般若波羅蜜多時所有甚奇希有之法聲聞獨覺皆所非有佛告善現諦聽諦聽善思念之吾當爲汝分別解說菩薩摩訶薩行深般若波羅蜜多時所有甚奇希有之法善現菩薩摩訶薩行深般若波羅蜜多時住異熟生布施淨戒安忍精進靜慮般若波羅蜜多五妙神通三十七種菩提分法陀羅尼門三摩地門四靜慮四無量四無色定四無礙解八解脫八勝處九次第定十遍處空無相無願三摩地等無量功德徃十方界若諸有情應以布施而攝益者則以布施而攝

益之應以淨戒而攝益者則以淨戒而攝益之應以安忍而攝益者則以安忍而攝益之應以精進而攝益者則以精進而攝益之應以靜慮而攝益者則以靜慮而攝益之應以般若而攝益者則以般若而攝益之應以初靜慮而攝益者則以初靜慮而攝益之應以靜慮而攝益者則以初靜慮而攝益之應以

第二第三第四靜慮而攝益者則以第二第三第四靜慮而攝益之應以空無邊處定而攝益者則以空無邊處定而攝益之應以識無邊處無所有處非想非非想處定而攝益者則以識無邊處無所有處非想非非想處定而攝益之應以慈無量而攝益者則以慈

無量而攝益之應以悲喜捨無量而攝益者則以悲喜捨無量而攝益之應以四念住而攝益者則以四念住而攝益之應以四正斷四神足五根五力七等覺支八聖道支而攝益者則以四正斷乃至八聖道支而攝益之應以空三摩地而攝益者則以空三摩地而